



Minggu, 31 Desember 2023
Ogen: Jesaya 54:10



La Miser Keleng Ate Tuhan



Enggo 365 wari sidalani tahun 2023 enda. Tentuna melala kal pengalamen-pengalamen si jadi ingetenta subuk i bas keriahen ukur ras jumpa kemalemen ate. Umpaman; lit anakta si erjabu, lit si tubuh kepuna entah anakna, anakta dat dahin, seh sura-sura, tertukur taneh, mobil, mbangun rumah ras sidebanna. Banci jadi jumpa ka kita kearun ate, lit pinakit si mberat, lit si kebenen kalak sikelengina, sempat tumpur usaha, la jumpa erga-erga sinuan-sinuan, anak gutul ras sidebanna. Keriahen ukur ras kearun ate pegancihen jadi, tapi la kepe ngadi kegeluhen enda, waktu terus erdalan, setia ia teptep detik, menit, jam, wari, minggu, bulan seh ku tahunna. Bage me teptep paksa, si idalani manusia.

I bas kerina situasi ras paksa e, kerina gelumbang kegeluhen rikut ras tantangan si reh, banci jadi erbahan mugur kiniteken, ras bene arapen. Bagi si jadi nandangi bangsa Israel si paksana ringan i pembuangan. Enggo bene arapenna, lanai lit semangat ndalani kegeluhen. Tapi, Jesaya mpetetap ukurta. Padan Dibata man banta i bas penghujung tahun 2023 enda, maka keleng ate Tuhan la pernah miser. Keleng ateNa tetap lalap, enda me padanNa man manusia. Genduari kuga kita nggelem padan Tuhan e maka la kita teriket nandangi paksa si reh amin melala si la bagi ukur entah mbelin keriahen. Arus kepe kita 'move on' bergerak ndalani paksa si pagi, ngaloken wari ras tahun si mbaru, tahun 2024.

Bagi keleng ate Dibata si iberekenNa man banta sedekah tahun 2023 bage ka me kita ngaloken keleng ateNa tahun si pepagi. Teklah, tetaplal gelem pengarapen maka kerina kenangen i bas paksa si lepas jadi dalanta ngataken bujur man Dibata. Janah bagi keleng ateNa si enggo sialoken ras nanami sedekah enda bageka min tetapna ukurta guna ndalani tahu 2024. Tahun kesangapen, kuh kemalemen ate sialoken kita

➤ *Kataken bujur i bas kerina keleng ate si ibereken Dibata man banta*